

樵

歌

樵歌上

朱希真

聒龍謠

肩拍洪崖手攜子晉夢裏暫辭塵宇高步層霄俯人間
如許算蝸戰多少功名問蟻聚幾回今古度銀潢展盡
參旗桂花淡月飛去天風緊玉樓斜舞萬女蛺袖光
搖金縷明廷燕闥倚青冥回顧過瑤池重借雙成就楚
岫更邀巫女轉雲車指點虛無引蓬萊路

又

憑月攜簫遡空乘羽夢踏絳霄仙去花冷街榆悄中天

水調歌頭

作 淮陰

當年五陵下結客占春游紅纓翠帶談笑跋馬水西頭
落日經過桃葉不管插花歸去小袖挽人留換酒春壺
碧脫帽醉青樓 楚雲驚隴水散雨漂流如今憔悴天
涯何處可消憂長揖飛鴻舊月不知今夕煙水都照幾
人愁有淚看芳草無路認西州

又

白日去如箭達者惜分陰問君何苦長抱冰炭利名心
冀望封侯一品僥倖昇仙三島不死解燒金聽取百年
曲三歎有遺音 會良朋逢美景酒頻斟昔人已矣松

下泉底不如今幸遇重陽佳節高處紅萸黃菊好把醉
鄉尋澹澹飛鴻沒千古共銷魂

又

和董淵
大中秋

偏賞中秋月從古到如今金風玉露相閒別做一般清
是處簾櫳爭捲誰家弦管不動樂世足歡情莫指關山
路空使翠蛾顰 水精盤鱸魚膾點新橙鴛黃酒軟纖
手傳觥一作
杯任頻斟須待惜一作
惜曉參橫後直到來年今
夕十二數虧盈未必來年看得似此回明

又

和海鹽村
范行之

平生看明月西北有高樓如今羈旅常歎茅屋暗悲秋

聞說吳松江上有箇垂虹亭好結友漾輕舟記得蓬萊
路端是舊曾遊 趁黃鵠湖影亂海光浮絕塵勝處合
是不數白蘋洲何物陶朱張翰勸汝橙齏鱸膾交錯獻
還酬寄語梅仙道來歲肯同不

又對月
有感

天宇著垂象日月共回旋因何明月偏被指點古來傳
浪語修成七寶謾說霓裳九奏阿姊寂嬋娟憤激書青
奏伏願聽臣言 詔六丁驅狡兔屏癡蟾移根老桂種
在歷歷白榆邊深鎖廣寒宮殿不許姮娥歌舞按次守
星躔永使無虧缺長對日團圓

又

中秋一輪月只和舊青冥都緣人意須道今夕別般明
是處登臨開宴爭看吳歌楚舞沈醉倒金尊各自心中
事悲樂幾般情 燭摧花鶴警露忽三更舞袖未卷已
見玉繩低轉便西傾認取眼前流景試看月歸何處因
甚有虧盈我自闔門睡高枕笑浮生

桂枝香

南都
病起

春寒未定是欲近清明雨斜風橫深閉朱門盡日柳搖
金井年光自趁飛花緊柰幽人雪添雙鬢謝山攜妓黃
壚貰酒舊愁慵整 念壯節漂零未穩負九江風笛五

湖煙艇起舞悲歌淚眼自看清影新鶯又向愁時聽把
人間如夢深省舊溪鶴在尋雲弄水是事休問

水龍吟

放船千里凌波去畧為吳山留願雲屯水府濤隨神女
九江東注北客蒼顏一作翩然壯心偏感年華將暮念

伊嵩舊隱巢由故友南柯夢遽如許回首妖氛未掃

問人間英雄何處奇謀報國可憐無用塵昏白羽鐵鎖
橫江錦帆衝浪孫郎良苦但愁敲桂櫂悲吟梁父淚流
如雨

又

曉來極目同雲暖空降雪花零亂平生塵想老來俗狀
都齊驚散玉鳳凌霄素虬橫海一盃相勸任霓裳學舞
梅妝作面終不似天裁剪 正是年華美滿鬪迎春巧
飛鈿燕衝寒醉眼倚空長揖羣仙笑絮說道瑤池有人
來報西真開宴便爭先

一作
回

藥佩高馳羽駕卷東風轉

念奴嬌

見梅驚笑問經年何處收香藏白似語如愁却問我何
苦紅塵久客觀裏栽桃仙家種杏到處成疎隔千林無
伴澹然獨傲霜雪 且與管領春回孤標爭肯接雄蜂
雌蝶豈是無情知受了多少淒涼風月寄隴

一作
驛

程遠

和羹心在忍使芳塵歇溪邊

一作東風

寂寞可人憐

一作憐

誰為

攀折

又月

插天翠柳被何人推上一輪明月照我藤牀涼似水飛
入瑤臺瓊闕霧冷笙簫風輕環佩玉鎖無人掣閑雲收
盡海光天影相接 誰信有藥長生素娥新煉就飛霜
凝雪打碎珊瑚爭似看仙桂扶踈橫絕洗盡凡心滿身
清露冷浸蕭蕭髮明朝塵世記取休向人說

又

晚涼可愛是黃昏人靜風生蘋葉誰做秋聲穿細柳初

聽寒蟬淒切。祇採芙蓉重熏沈水。暗裏香交徹。拂開冰
簾小牀獨卧。明月。老來應免多情還。因風景好。愁腸
重結。可惜良宵人不見。角枕蘭衾。虛設宛轉無眠起來
閑步露草時明滅。銀河西去。畫樓殘角鳴咽。

又

老來可喜。是歷徧人間。諳知物外。看透虛空。將恨海愁
山一時按碎。免被花迷不為酒困。到處惺惺地。飽來覓
睡。睡起逢場作戲。休說古往今來。乃翁心裏。沒計許
一無許字多般事。也不鮑仙不佞佛。不學棲棲孔子。懶共賢
爭。從教他笑如此。只如此。雜劇打了戲衫。脫與歎底。

又

約友中秋游長橋玩伴邦式不預作念奴嬌和其韻

素秋天氣是登山臨水昔人悲處我遇清時無箇事好
約鷺遷鴻翥旋整蘭舟多攜芳醞笑裏帆輕舉松江纜
月望雲飛擢延佇別乘文雅風流新詞光萬丈珠連
錦聚恨不同游指浩渺玉宇瓊樓相付桂子收香蟾輝
採露暫輟尊前舞絲囊封寄倩他雙翠銜去

又

楊子安侍郎壽

臘回春近正日添宮綫香傳梅駟玉律冰壺此際值一作

顯天與竒才英識貫日孤忠凌雲獨志曾展回天力功

名由命等閒却鍛鸞翮誰信夫子如今眠雲情意穩

一 其 二
風塵機息邂逅初心得計處伊水鷗閑波碧但恐天教
經綸緣在未遂紫煙客君王圖舊看公歸覲京國

又

垂虹亭

放船縱櫂趁吳江風露平分秋色帆卷垂虹波面冷初
落蕭蕭楓葉萬頃瑠璃一輪金鑑與我成三客碧空寥
廓瑞星銀漢爭白 深夜悄悄魚龍靈旗收暮靄天光
相接瑩澈乾坤全放出疊玉層冰宮闕洗盡凡心相忘
塵世夢想都銷歌甯中雲海浩然酒浸明月

蘇武暢

枕海山橫陵江潮去雉堞秋風殘照閑尋桂子試聽菱

歌湖上晚來涼好幾處蘭舟採蓮遊女歸去隔花相惱
奈長安不見劉郎已老暗傷懷抱誰信得舊日風流
如今憔悴換却五陵年少逢花倒趂過酒堅辭常是懶
歌慵笑除奉天威掃平狂虜整頓乾坤都了共赤松攜
手重期一作騎明月再遊蓬島

木蘭花慢

折芙蓉弄水動玉珮起秋風正柳外閑雲溪頭淡月映
帶疏鐘人間歇謫墮久恨蛺蝶旌未返碧樓空且與時人
度日自憐懷抱誰同當時種玉五雲東露冷夜耕龍
念瑞草成畦瓊蔬未採人照一作塵染衰容誰知素心未已

望清都絳闕有無中寂寞歸來隱几夢聽長樂晨鐘一本

云夢聽帝

樂冲融

又和師厚和司馬
文季中作

指滎河駿嶽鎖胡塵幾經秋歎故苑花空春游夢冷萬
斛堆愁簪纓散闕塞阻恨難尋杏館覓瓜疇悽慘年來
歲往斷鴻去燕悠悠拍幽化碧海西頭劔履問誰收
但易水歌傳子山賦在青史名留吾曹鏡中看取且狂
歌載酒古揚州休把霜髯老眼等閒清淚空流

洞仙歌

今年生日慶一百省歲喜趁燒燈作歡會問先生有甚

陰德神丹霜雪裏鶴在青松相似 總無奇異處只是
天然冷淡尋常舊家計戲綵袖弄明珠滿眼兜孫一壺
酒向花間長醉且落魄裝个老人星共野叟行歌太平
時世

又贈太

易

風流老峭負不羣奇表彈走

指一作

超九怎由教把俗儒

故紙推向一邊三界外尋得一場好笑

塵緣無處趨

應見宰官苦行公心衆難到這功名富貴有也尋常管
做得越古超今神妙待接得衆生摠成佛向酒肆淫房
再逞年少

又

梅紅

何人不愛是江梅紅綻雪野寒空凍雲晚照清溪綽約
粉豔先春包絳萼姑射冰肌自暖上林花萬品都借
風流國色天香任欣羨共素娥青女一笑相逢人不見
悄悄霜宮月殿想乘雲長在玉皇前粲藥珮明璫侍清
都燕

滿庭芳

鵬海風波鷗巢雲水夢殘身寄塵寰老來窮健無悶也
無歡隨分飢食困睡渾忘了秋熱春寒清平世閑人自
在乘興訪溪山漁竿要老伴浮江載酒艤櫂觀瀾倩

輕鷗假道白鷺隨軒直到垂虹亭上驚怪我却作仙官
中秋月披襟四顧不似在人間

又

花滿金盆香凝碧帳小樓曉日飛光有人相伴開鏡點
新妝臉嫩瓊肌省粉眉峯秀波眼宜長雲鬢就玉纖澱
水輕笑換明璫檀郎猶恣意高歌鳳枕慵下銀牀問
今日何處鬪草尋芳不管餘醒未解扶頭酒親捧瑤觴
催人起雕鞍翠憶乘露看姚黃

滿江紅

大熱卧疾浸石
種蒲強作涼想

竹翠陰森寒泉浸幾峯奇石銷畏日溪蒲呈秀水蕉供

碧筠簾平鋪光欲動紗稠高挂空無色似月明蘋葉起
秋風瀟湘白 不敢笑紅塵客爭肯羨神仙宅且披襟
脫帽自適其適靖節窗風猶有待本初朔飲非長策怎
似我心閒便清涼無南北

風流子

吳越東風起江南路芳草綠爭春倚危樓縱目繡簾初
捲扇邊寒減竹外花明看西湖畫船輕泛水茜幄穩臨
津嬉游伴侶兩兩攜手醉回別浦歌過南雲 有客愁
如海江山異舉目暗覺傷神空想故園池閣卷地煙塵
但且恁痛飲狂歌欲把恨懷開解轉更銷魂只是皺眉

彈指冷過黃昏

望海潮

丁酉西內成柳
人請作望幸曲

嵩高維嶽圖書之淵西都二室三川神鼎定金麟符刻
玉英靈未稱河山誰再整乾坤是挺生真主浴日開天
御歸梁苑駕回汾水鳳樓間昇平運屬當千春凝旒
暇日四顧依然銀漢詔虹瑤臺賜碧一新瑞氣祥煙重
到帝居前怪鵲橋龍闕飛下人間父老惟呼翠華來也

太平年

勝勝慢雪

紅鑪圍錦翠幄盤雕樓前萬里同雲青雀窺窗來報瑞

雪紛紛開簾放教飄灑度華筵飛入金尊鬪迎面看美人呵手旋浥羅巾莫說梁園往事休更羨越溪訪戴幽人此日西湖真坑聖治中興直須聽歌按舞任流香滿酌杯深最好是賀豐年天下太平

菱荷香

金陵

遠尋花正風亭霽雨煙浦移沙緩提金勒路擁桃葉香車憑高暢一作帳飲照羽觴晚日橫斜六朝浪語繁華山圍故國綺散餘霞無奈尊前萬里客歎人今何在身老天涯壯心零落怕聽疊鼓摻撾江浮醉眼望浩渺空想靈槎曲終淚濕琵琶誰扶上馬不省還家

沁園春

解會

七十衰翁告老歸來放懷縱心念聚星高宴圍紅盛集
如何著得華髮陳人勉意追隨強顏陪奉費力勞神恐
未真君休怪近頻辭雅會不是無情 巖局舊菊猶存
更松偃梅疎新種成愛靜窗明几焚香燕坐閒調綠綺
默誦黃庭蓮社輕輿雪溪小榭有興何妨尋弟兄如今
且趣花迷酒困心迹雙清

卜算子

憑高望遠雲斷路迷山簇暮寒淒緊蘭菊如斯燕子怎
知秋盡想閨中錦換新翻暈自解佩忽忽散後鴛鴦到

今難問 只得愁成病是悔上瑤臺悞留金枕不忍相
忘萬里再尋音信奈飄風不許蓬萊近又一番凍雨真
涼送歸鴻成陣

醉春風

仙夢

夜飲西真洞羣仙驚戲弄素娥傳酒袖凌風送送送吸
盡金波醉朝天闕鬪班星拱 碧簡承新寵紫微恩露
重忽然推枕草堂空夢夢夢帳冷衾寒月斜燈暗畫樓
鐘動

踏歌

燕闕散津亭鼓吹扁舟發離魂黯黯隱隱陽關徹更風愁

雨細添凄切 恨結歎良朋雅會輕離缺 一年價把酒
風花月便山遙水遠分吳越 書倩雁夢借蝶重相見
且把歸期說只愁到他日彼此萍蹤別總難如前會時
節

鵲橋仙

溪清水淺月朧煙淡玉破梅梢未遍橫枝纖瘦有如無
但空裏疎花數點一本云橫枝依約影如無 乘風欲去
凌波難住誰見紅愁粉怨夜深青女濕微霜暗香散廣

寒宮殿

又 十月
黃菊

今年冬後黃花初綻莫怪時光較晚曉來玉露浥芳叢
瑩秀色無塵到眼 枝筇駐屐徘徊離畔弄酌金杯自
泛須添羅幕護風霜要留與疎梅相見

又

姮娥怕鬧銀蟾傳令且與遮鶯翳鳳直須人睡俗塵清
放雲霧一作洪冰輪徐動 山翁散髮披衣松下琴奏瑤

池新弄曲終鶴警露華寒笑浮一作濁世饒君一作伊做夢

又

攜琴寄鶴辭山別水乘興隨雲做客囊中欲試紫金丹
待點化鸞紅鳳碧 誰知到此玉梯無路天上難通消

一作信

息不如知趁白一作舊

雲歸免誤使山英掃迹

又

康州同子權兄弟飲梅花下

竹西散策花陰圍坐可恨來遲幾日披香不覺玉壺空
破酒面飛紅半涇 悲歌醉舞九人而已總是天涯倦
客東風分一作吹淚故園春問我輩如何一作何時去得

又

和李易安金魚池蓮

白鷗欲下金魚不去圓葉低開蕙帳輕風冷露夜深時
獨自箇凌波直上 幽蘭一作關共挽一作晚明璫難寄塵
世教誰將傍會尋織女趁靈槎泛舊路銀河萬丈

臨江仙

西子溪頭春到也大家追趁芳菲盤雕剪錦換障泥花
添金鑿落風展玉東西光探誰家梅最早雪兜桂子
同攜別翻舞袖按新詞從今排日醉醉過牡丹時

又

堪笑一場顛倒夢元來恰似浮雲塵勞何事最相親今
朝忙到夜過臘又逢春流水滔滔無住處飛光忽忽
西沈世間誰是百年人箇中須著眼認取自家身

又

直自鳳皇滅破後擘釵破鏡分飛天涯海角信音稀夢
回遼海北魂斷玉關西月解重圓星解聚如何不見

人歸今春還聽杜鵑啼年年看塞雁二十四番回

又

秋中

最好中秋秋夜月常時易雨多陰難逢此夜更無雲玉
輪飛碧落銀幕換層城桂子香濃凝瑞露中興氣象
分明酒樓燈市管絃聲今宵誰肯睡醉看曉參橫

又

生長西都逢化日行歌不記流年花間相過酒家眠乘
風游二室弄雪過三川莫笑衰容雙鬢改自家風味
依然碧潭明月水中天誰知閒老子不肯作神仙

又

一
二
紗帽籃輿青織蓋兜孫從我嬉遊綠池紅徑雨初收
攬挑偏會笑細柳幾曾愁隨分盤筵供笑語花間社酒
新醕踏歌起舞醉方休陶潛能嘯傲賀老最風流

又

幾日春愁無意緒撚金剪絲慵拈小樓終日怕凭闌一
雙新淚眼千里舊關山苦恨碧雲音信斷只教征雁
空還早知盟約是虛言枉裁詩字錦悔寄淚痕牋

又

信取虛空無一物箇中著甚商量風頭緊後白雲忙風
元無去住雲自没行藏莫聽古人閑語話終歸失馬

亡羊自家腸肚自端詳一齊都打碎放出大圓光

鷓鴣天

草草園林作洛川碧宮紅塔借風煙雖無金谷花能笑
也有銅駝柳解眠春似舊酒依前何妨倚杖雪垂肩
五陵俠少今誰健似我親逢建武年

又

歲暮

檢盡歷頭冬又殘愛他風雪耐他一作寒拖條筇一作

杖家家酒上箇籃輿處處山添老大合一作癡頑謝

天教我老來閑道人還了鴛鴦債紙帳梅花醉夢間

又

西都作

我是清都山水郎天教懶慢帶一作分踈狂曾批給露

一作雨

又風敕一作券

累奏

一作星上

留雲借月章

詩萬首醉

千場

一作千腸

幾曾著眼向

一作看

侯王玉樓金闕慵歸去

且挿梅花住

一作醉

洛陽

又

唱得梨園絕代聲前朝唯數李夫人自從驚破霓裳後
楚奏吳歌扇裏新秦嶂雁越溪砧西風北客兩飄零

尊前却

一作忽

聽當時曲側帽停盃淚滿巾

又

曾為梅花醉不歸佳人挽袖乞新詞輕紅遍寫鴛鴦帶

濃碧爭斟翡翠卮 人已老事皆非
花前不飲淚沾衣 如今但欲關門睡
一任梅花作雪飛

又

畫舫東時洛水清 別離心緒若為情
西風挹淚分攜後 十夜長亭九夢君
雲背水雁回汀 只應芳草見離魂
前回共採芙蓉處 風自淒淒月自明

又

竹粉吹香杏子丹 試新紗帽紵衣寬
日長几案琴書靜 地僻池塘鷗鷺閑
尋汗漫聽潺湲 澹然心寄水雲間
無人共酌松黃酒 時有飛仙暗往還

又

許總管
席上

至節先庚欲雪天玳筵圍錦帳青氍嫖姚副帥招佳客
太守高明別乘賢歌宛轉舞踰躑金釵十二擁嬋娟
老人南極星邊住也趁梅花聽管絃

又

正月十
四夜

鳳燭星毬初試燈冰輪展破碧棱層來宵雖道十分滿
未必勝如此夜明留上客換瑤觥任教樓外曉參橫
春風從舊偏憐我那更姮娥是故人

又

通處靈犀一點真快隨紫素步紅茵箇中自是神仙住

花作簾櫳玉作人 偏淡靜最尖新等閑舞雪振歌塵
若教宋玉尊前見應笑襄王夢裏尋

又酒

天上人間酒最尊非甘非苦味通神一盃能變愁山色
三盃全迴冷谷春 歡後笑怒時嗔醒來不記有何因
古詩有道陶元亮解道君當恕醉人

又酒

有個仙人捧玉卮滿斟堅勸不須辭瑞龍透頂香難比
甘露澆心味更奇 開道域洗塵機融融天樂醉瑤池
霓裳拽住君休去待我醒時更一盃

又
舟虛

不繫虛舟取性顛浮河汎海不知年乘風安用青帆引
逐一作浪何須錦纜牽雲薦枕月鋪氈無朝無夜任
橫眠太虛空裏知誰管有個明官喚做天

又

極目江湖水浸雲不堪回首洛陽春天津暢飲凌雲客
花市行歌絕代人穿繡陌踏香塵滿城沈醉管絃聲
如今遠客休惆悵飽向皇都見太平

樵歌上

樵歌中

朱希真

木蘭花

老後人間無處去多謝碧桃留我住紅塵回步舊煙霞
清境開扉新院宇 隱几日長香一縷風散飛花紅不
聚眼前尋見自家春罷問玉霄雲海路

又

探梅寄
李士舉

前日尋梅椒樣綴今日尋梅蜂已至乍開絳萼欲生香
略綻粉苞先有意 故人今日升沈異定是江南無馬
使自調絃管自開尊笑把花枝花下醉

暮山溪

鄰家相喚酒熟閑相過竹徑引籃輿會鄉老吾曹幾箇
沈家姊妹也是可憐人回巧笑發清歌相問花間坐
高談闊論無可無不可幸遇太平年好時節清明初破
浮生春夢難得是歡娛休要勸不須辭醉便花間卧

又

瓊蔬玉藥久寄清虛裏春到碧溪東下白雲尋桃問李
彈簧吹葉懶傍少年場遺楚珮覓秦簫踏破青鞵底
河橋酒熟誰解留儂醉兩袖拂飛花空一春淒涼憔悴
東風誤我滿帽洛陽塵喚飛鴻遮落日歸去煙霞外

又

西真姊妹只這梅花是乘醉下瑤池粉胭脂何曾梳洗
冰姿素豔無意壓羣芳獨自笑有時愁一點心難寄
雪添藥珮霜護盈盈淚塵世悔重來夢淒涼玉樓十二
教些香去說與惜花人雲黯澹月朦朧今夜誰同睡

又

夜來雨過桃李將開遍策杖引兒童也學人隨鶯趁燕
青天許大多少好風光一歲去一春來只恁空撩亂

西池瓊苑遊賞人何限玉勒擁朱輪各覩一作些新歡

舊怨都齊醉也說甚是和非我笑他他不覺花落春風

晚

又

元來塵世放著希奇事
行到路窮時果別有真山真水
登臨任意隨步白雲生
三秀草九花藤滿裏瓊瑤蕊
何須趨老浩蕩心常醉
唱个快活歌更說甚黃梁夢裏
蒼顏華髮只是舊時人
不動步却還家處處新桃李

又

東風不住幾陣黃梅雨
風外曉鶯聲怨飄零花殘春暮
鴛鴦散後供了十年愁
懷舊事想前懽忍記丁寧語
塵昏青鏡休照孤鸞舞
煙鎖鳳樓空問吹簫人
今何處

小窗驚夢攜手似平生陽臺路行雲去目斷山無數

又

和人冬
至韻

西江東去總是傷時淚北陸日初長對芳尊多悲少喜
美人去後花落幾春風杯潑洗人難醉愁見飛灰細
梅邊雪外風味猶相似迤邐暖乾坤仗君王雄風英氣
吾曹老矣端是有心人追劔履辭黃綺珍重蕭生意

朝中措

先生饒病老難醫赤米獸晨炊自種畦中白菜淹成甕
裹黃蘗肥葱細點香油慢炒湯餅如絲早晚一盃無
害神仙九轉休癡

又

先生筇杖是生涯
挑月更擔花
把住都無憎愛
放行總是煙霞
飄然攜去旗亭
問酒簫寺
尋茶恰似黃鸝
無定不知飛到誰家

又

當年挾彈五陵間
行處萬人看
雪獵星飛羽箭
春遊花簇雕鞍
飄零到此天涯
倦客海上蒼顏
多謝江南蘇小
尊前怪我青衫

又

上元席上和趙
智天時小雨

東方千騎擬三河
燈夕試春羅
想是蟠宮高會
暫留暮

雨姮娥 使君燕喜王孫賦就桃葉秋波弱柳移來嬌
舞落梅換了行歌

又

閑愁無奈指頻彈芳景為誰殘可惜良宵虛過且容草
艸謀歡 招要楚雨留連漢珮多謝青鸞濃豔暗香爭
暖羅帷不用遮寒

又

元宵初過少吹彈樓角綵燈殘踏雪閑尋深院攜壺試
覓幽歡 麻姑暫語文君未寢五老雙鸞要共梅花同
曉薄羅不奈春寒

又曉起
看雲

夜來聽雪曉來看驚失却塵寰
搖撼瓊林玉樹心疑身
是仙官
乘風縹緲凌空
迳去不怕高寒
却被孤鴻相
勸何如且在人間

又

新來省晤一生癡尋覓上天梯
拋失眼前活計踏翻暗
裏危機
莫言就錯真須悔
過休更遲疑
要識天蘇
味元來只是黃蘗

又

登臨何處自消憂
直北看揚州
朱雀橋邊晚市
石頭城

下新秋 昔人何在悲涼故國寂寞潮頭箇是一場春
夢長江不住東流

又

宵中塵土久無奇今夕借清輝歌縱羣英諸彥舞狂蕙
帶荷衣 鴛鴦湖上波平岸遠酒醞魚肥好是中秋圓
月分明天下人知

又

紅稀綠暗掩重門芳徑罷追尋已是老如前歲那堪窮
似他人 一杯自勸江湖倦客風雨殘春不是醅釀相
伴如何過得黃昏

足拍醜奴兒

水仙

清露濕幽香想瑤臺無語淒涼飄然欲去依然似夢雲
度銀潢 又是天風吹澹月珮丁東攜手西廂泠泠玉
磬沈沈素瑟舞徧霓裳

醉落魄

泊舟津頭有感

海山翠疊夕陽殿雨雲堆雪鷓鴣聲裏蠻花發我共扁
舟江上兩萍葉 東風落酒愁難說誰教春夢分胡越
碧城芳草應銷歇曾識劉郎唯有半彎月

醉思仙

淮陰興楊道字

倚晴空正三洲下葉七澤收虹歎年光催老身世飄蓬

南歌客新豐酒但萬里雲水俱東謝故人解繫船訪我
脫帽相從 人世歡易失尊俎且更從容任酒傾波碧
燭剪花紅君向楚我歸秦便分路青竹丹楓佳時節謾
夢憑夜蝶書倩秋鴻

感皇恩

苕口口
園感舊

曾醉武陵溪竹深花好玉珮雲鬟共春笑主人好事坐
客雨中風帽日斜青鳳舞金尊倒 歌斷渭城月沈星
曉海上歸來故人少舊遊重到但有夕陽衰草恍然真
一夢人空老

又

早起未梳頭小園行徧拄杖穿花露猶泣菊籬瓜畹最
喜引枝添蔓先生獨自笑流鶯見 著意訪尋幽香國
豔千里移根未為遠溪深相間最要四時長看羣芳休
怪我歸來晚

又

一箇小園兒兩三畝地花竹隨宜旋裝綴槿籬茅舍便
有山家風味等閑池上飲林間醉 都為自家胃中無
事風景爭來趁遊戲稱心如意剗活人間幾歲洞天誰
道在塵寰外

杏花天

挂簾等月闌干曲厭永晝勞煙一作煙勞倦局單衣汗透鮫
綃縮脫帽梳犀枕玉移牀就碧柳翠竹寄語倩姮娥
伴宿輕風淡露清涼足雲綴銀河斷續

又

聽蟬剪葉迎秋燕畫戟散金鋪開徧清風占住秦箏怨
樓上衙牌易晚飛雨過繡幕盡卷借水沈龍涎旋碾
金盃弄水停歌扇涼在冰肌粉面

又

殘春庭院東風曉細雨打鴛鴦寒峭花尖望見秋千了
無路踏青鬪草人別後碧雲信杳對好景愁多歡少

等他燕子傳音耗紅杏開也未到

戀繡衾

木落江南感未平兩蕭蕭衰鬢到今甚處是長安路水
連空山鎖暮雲 老人對酒今如此一番新殘夢暗驚
又是灑黃花淚問明年此會怎生

青玉案

坐上和智夫瑞香

芝房並蒂空稱瑞幾曾見香旖旎也不論蘭休比蕙王
孫高韻說得的當不減唐諸李 今朝影落瓊杯裏共
才子佳人鬪高致莫道衰翁都無意為他平韻為他情
味消得真箇醉

又沈蕙
乞詞

住近沈香浦門前蕙草春鴛鴦飛下柘枝新見弄青梅
初著翠羅裙怕喚拈歌扇嫌催上舞袖幾時微步不
生塵來作維摩方丈散花人

蘇幕遮

瘦仙人窮活計不養丹砂不肯參同契兩頰家食三覺
睡閉著門兒不管人閑事又經年知幾歲老屋穿空
幸有天遮蔽不飲香醪常似醉白鶴飛來笑我顛顛地
又

酒臺空歌扇去獨倚危樓無限傷心處芳草連天雲薄

暮故國山河一陣黃梅雨 有奇才無用處壯節飄零
受盡人間苦欲指虛無問征路回首風雲未忍辭明主

浪淘沙

中秋陰雨同顯忠橋
年諫之坐寺門作

圓月又中秋南海西頭蠻雲瘴雨晚難收北客相逢彈
淚坐合恨分愁 無酒可消憂但說皇州天家宮闕酒
家樓今夜只應清汴水嗚咽東流

又

原州
泊船

風約雨橫江秋滿蓬窓箇中物色儘淒涼更是行人行
未得獨繫歸航一作 擁被換殘香黃卷堆牀開愁展
恨剪思量伊是浮雲儂是夢休問家鄉

又

白菊好開遲冷蝶空迷沾風惹露也隨時何事深藏偏
在後天性難移陶令最憐伊同病相醫寒枝瘦葉更
栽培直待羣芳零落後獨殿東籬

千秋歲

貫方七月五
日生日為壽

占秋呈瑞四海楊公子踏拖尚帶蓬壺體清新春艸句
蕭灑蘭亭字宦情少眠雲弄月知心事此去應無滯
穩步煙霄地鵬萬里竊千歲他年黃閣老訪我清溪醉
看鳳舞貽君萬斛瑤花菜

定風波

紅藥花前欲送春，金鞭柘彈趁芳塵。故傍繡簾按柳綫，
恰見淡梳妝。映瘦腰身。閒倚金鋪書悶字，尤殢為誰
憔悴。減心情。放下彩毫勻粉淚。彈指你不知，人是不知
人。

踏莎行

太易
五日

梅倚江城日舒宮綫，老人星喚羣仙。宴泛杯玉友暖飛
浮堆盤金橘光零亂。聽命寬心隨緣適，願癡狂羸取
身長健。醉中待一作看碧桃春尊前莫問蓬萊淺。

又

送子權
赴藤

花漲藤江草薰鴨步錦帆蘭棹分風去。二翁元是一溪

雲暫為山北山南雨 綠酒多斟白鬚休 覩飛丹約定
煙霞侶與君先占赤城春 回撓早趁桃源路

夢玉人引

和祝
舜俞

浪萍風梗寄人間 倦為客 夢裡瀛洲姓名誤 題仙籍 斂
翻翅一作歸來愛小園 蛻籜篔簹碧 新種幽花戒兜童 休
摘 放懷隨分各逍遙 飛鷗等鵬翼 舍此蕭閑問君攜
杖安適 諸彥羣英詩酒 皆勅敵 太平時 向花前不醉如
何休得

一落索

一夜雨聲連曉 青鐙相照 舊時情緒 此時心花不見人

空老 可惜春光閒了陰多晴少江南江北水連雲問
何處尋芳草

又

慣被好花留住蝶飛鶯語少年場上醉鄉中容易放春
歸去 今日江南春暮朱顏何處莫將愁緒比飛花花
有數愁無數

漁家傲

誰轉琵琶彈側調征塵萬里傷懷抱客散黃昏庭院悄
燈相照春寒燕子歸來早 可惜韶光虛過了多情人
已非年少只恐鶯啼春又老知音少人間何處尋芳草

又

石夷仲一炬去念
之止小故燕燕

鑑水稽山塵不染歸來賀老身
強健有客跨鯨游汗漫
留羽扇玉船取酒青鸞勸
莫恨飛花容易散仙家風
月何曾減春色一壺丹九轉
堪為伴雕梁幸有輕盈燕

又

畏暑閑尋湖上徑
雨絲斷送涼成陣
風裡芙蓉斜不整
沈紅影約回萍葉
波心靜
催喚吳姬迎小艇
妝花燭
燄明相映飲到夜闌人却醒
風雨定欲歸更把闌干凭

望江南

炎晝永初夜月侵牀
露卧一叢蓮葉畔
芙蓉香細水風

涼枕上是仙鄉 浮世事能有幾多長
白日明朝依舊在黃花昨夜一作非晚是重陽
不用苦思量

十二時

雲連芳草天連晚照山連紅葉一作連雲夜竹連天晚照連山紅葉西風
正搖落更前溪嗚咽 燕去鴻歸音信絕
問黃花又共誰折
征人最愁處送寒衣時節

南鄉子

宮樣細腰身玉帶羅衫穩
試新小底走來宣對御催頻
曲殿西廂小苑門
歌舞鬪輕盈不許揚花上錦茵
勸得君王真箇醉承恩
金鳳紅袍印粉痕

又

風雪打黃昏別殿無人早閉門拜了天香羅裏冷低聲
催減銀鐙解繡裙金鴨卧殘薰看破屏風數淚痕回
首昭陽天樣遠銷魂又過梅花一番春

行香子

寶篆香沈錦瑟塵侵日長時懶把金鍼裙腰暗減眉黛
長顰看梅花過梨花謝柳花新春寒院落燈火黃昏
悄無言獨自銷魂空彈粉淚難託清塵但樓前望心頭
想夢中尋

憶帝子

元來老子曾垂教，挫銳和光為妙。因甚不聽他強要爭，
工巧只為忒惺惺，惹盡閑煩惱。你但莫多愁，早老你
但且不分不曉，第一隨風便倒。拖第二君言亦大好，管
取没人嫌便。總道先生俏。

桃源憶故人

飄蕭我是孤飛雁，不共紅塵結怨。幾度蓬萊清淺，側翅
曾傍看。有時飛入西真院，許趁風光流轉。玉蕊花開
徧，可惜無人見。

又

小園雨霽秋風

一作光

轉天氣微寒，猶暖黃菊紅蕉庭院。

翠徑苔痕軟 眼前明快眉間展
細酌霞觴不淺一曲
廣陵彈徧目送飛鴻遠

又

雨斜風橫香成陣
春去空留春恨
歡少愁多因甚
燕子
渾難問
碧尖蹙
損眉慵
暈淚濕
胭脂紅
沁可惜
海棠
吹盡
又是黃昏近

又

西樓幾日無人到
依舊綠圍紅
遠一作紅
樓下
落花誰
掃
不見長安道
碧雲望斷無音耗
倚徧闌干
殘照試
問淚彈多少
濕徧樓前草

又

誰能留得朱顏住枉了百般辛苦爭似蕭然無慮任運
隨緣去 人人放著逍遙路只怕君心不悟彈指百年
今古有甚成虧處

又

玉笙吹徹清商後寂寞弓彎舞袖巧畫遠山不就只為
眉長皺 靈犀望斷星難透立到淒涼時候今夜月明
如畫人共梅花瘦

好事近

春雨細如塵樓外柳絲黃濕風約繡簾斜去透窓紗寒

碧美人慵剪上元燈
彈淚倚瑤瑟却上紫姑香火問
遼東消息

又

春雨鬧元宵花綻柳眠無力
風峭畫堂簾幕捲金泥紅
濕王孫開宴聚嬌饒越山洗愁
碧休說鳳皇城裏少年時蹤跡

又

子權攜酒與
弟姪相訪作

驚見老仙來觸目琳琅奇絕
打酒道人林下奏醉翁三
疊接羅傾倒海雲飛物色又
催別回棹晚江春雨勝
剡溪風雪

又

清明百七日洛
以小飲和駒父

春去尚堪尋莫恨老來難却且趁禁煙百七醉殘英餘
萼坐間玉潤賦妍辭情語見真樂引滿瘿盃竹盞勝
黃金鑿落

又

漁父
詞

搖首出紅塵醒醉更無時節活計綠蓑青笠慣披霜衝
雪晚來風定釣絲閑上下是新月千里水天一色看
孤鴻明滅

又

眼裏數閑人只有釣翁蕭洒已佩水仙空印惡風波不

怕此心那許世人知名姓是虛假一棹五湖三島任
船兜兜要

又

漁父長身來只共釣竿相識隨意轉船回擢似飛空無
跡蘆花開落任浮生長醉是良策昨夜一江風雨都
不曾聽得

又

撥轉釣魚船江海儘

一作盡

為吾宅恰向洞庭沽酒却錢

塘橫笛醉顏禁冷更添紅潮落下前碕經過子陵灘
畔得梅花消息

又

短棹釣船輕江上晚煙籠碧塞雁海鷗分路占江天秋
色錦鱗撥刺滿籃魚取酒價相敵風順片帆歸去有
何人留得

又

猛向這過來得箇信音端的天與一輪釣綫領煙波千
億紅塵今古轉船頭鷗鷺已陳迹不受世間拘束任
東西南北

又茶

綠汎一甌雲留住欲飛胡蝶相對夜深花下洗蕭蕭風

月 從容言笑醉還醒
爭忍便輕別只願主人留客更
重斟金葉

又

失却故山雲索手指空為客
萼菜鱸魚留我住鴛鴦湖
側 偶然添滿酒一作舊蒲蘆
小醉度朝夕吹簫月波樓
下有何人相識

又

深住小溪春好在柳枝桃葉風
淡水軒人靜數教雙飛
胡蝶 日長時有一鶯啼
蘭佩為誰結消散借愁新恨
泛琴心三疊

又

我不是神仙不會鍊丹燒藥只是愛閑湛酒畏浮名拘
縛種成桃李一園花真處怕人覺受用現前活計且
行歌行樂

長相思

昨日晴今日陰樓下飛花樓上雲闌干雙淚痕 江南
人江北人一樣春風兩樣情晚寒潮未平

又

海雲黃橘洲霜如箭灘流石似羊溪船十丈長 人難
量水難量過險方知著甚忙歸休老醉鄉

烏夜啼

剪勝迎春後，和風入律頻。
催前回下葉飛霜處，紅綻一枝梅。
正遇時調玉燭，須添酒滿金杯。
尋芳伴侶休閑過，排日有花開。

沙塞子

萬里飄零，南越山引淚酒催。
一作添愁不見鳳樓龍闕，又

經一作驚秋。九日江亭，閑望蠻樹口瘴煙。
一作雲浮腸斷

紅蕉花晚，水西流。

又

前調太悲再作

蠻徑尋春，春早千點雪已舒。
一作飛梅席地，挿花傳酒日

西催 莫作楚囚相泣傾銀漢洗瑤池還盡人間桃李
拂衣歸

西江月

澹澹薰風庭院青青過雨園林銅駝陌上鶯鶯聲今日
江邊重聽 落帽酒中有趣題橋詩一作裏無心香殘
沈水縷煙輕花影闌干人靜

又

琴上金星正照硯中鸚眼相青閑來自覺有精神心海
風恬浪靜 且喜面前花好更聽林外鶯新甕頭清辣
洞庭春醉裏徐行路穩

又

元是西都散漢江南今日衰翁從來顛怪更心風做盡
百般無用 屈指八旬將到回頭萬事皆空雲間鴻雁
草間蟲共我一般做夢

又

窮後常如囚繫老來半似心風飢蚊餓蚤不相容一夜
何曾做夢 被我不扇不提廓然揔是虛空寺鐘官角
任西東別弄些兒骨董

又

世事短如春夢人情薄似秋雲不須計較苦勞心萬事

原來有命 幸遇三盃美酒酒一作好 况逢一朵花新片時
歡笑且相親 明日陰晴未定

又

日日深盃酒滿朝 小園花開自歌自舞自開懷且喜
無拘無礙 青史幾番春夢紅塵一作黃泉 多少奇才不須
計較更一作與 安排領取而今現在

又

正月天饒陰雨江南寒在晨朝 嬌鶯聲裏杏花梢暗淡
綠窻春曉 好夢空留被底一作在 新愁不共香銷小樓
簾捲路迢迢 望斷天涯芳草

又石夷仲去
妓復歸

織素休尋往恨攀條幸有前緣隔河彼此事經年且說
蓬萊清淺障面重新團扇傾鬟再整花鈿歌雲舞雪
畫堂前長共阿郎相見

樵歌中

樵歌下

朱希真

減字木蘭花

接花弄扇碧鬪遙山眉黛晚白玉闌干倚徧春風翠袖
寒難尋可見何似一雙青翅燕人瘦春殘芳艸連雲
日下山

又

尋花攜柰

一作李

紅漾輕舟汀柳外小簇春山溪雨巖雲

不飽帆

相逢心醉容易堆盤銀燭淚犀筋敲殘痛飲

何言盡酒船

一云痛飲何言犀筋
筋敲殘玉酒船

又

東風無賴

桃一作李

春水綠波花影外
載酒尋

晉一作

山被袂

相期落錦帆

吾曹一醉却笑新亭人
有淚相對清言

不覺黃昏雨打船

又

閑人行李羽扇芒屨塵世外
一疊溪山也解分風送客
帆時平易醉無復驚心
并澌淚長揖忘言回棹
桃花插滿船

又

聽琵琶

劉郎已老不管桃花依舊笑
要聽琵琶重院鶯啼覓謝

家曲終人醉多似潯陽江上淚
萬里東風國破山河落照紅

又

慵歌怕酒今日春衫驚著瘦
雙燕簾櫳金鴨香沈客淚
中琵琶重聽誰信人間多少恨
落日東風吹得桃花滿院紅

又

秋日飲酒香山
石樓醉中作

古人悞我獨舞西風雙淚墮
鷓鴣去無蹤木落西陵
迤照紅人間難住擲下酒盃
何處去樓鎖殘鐘一作殘鐘
山北

山南兩點鴻

一作

又

無知老子元住漁舟樵舍裏暫借權監持節紆朱我甚
慚不能者止免苦龜腸憂虎尾身退心閒剩向人間
活幾年

又

斫魚作鮓酒面打開香可醉相喚同來草草杯盤飲幾
杯浮生虛假昨日梅花今日謝不醉何為從古英雄
總是癡

又

今年梅晚懶赴壽陽釵上燕月喚霜催不肯人間取次

開 低鬟掩袂愁寄玉闌金井外粉瘦香寒獨把深心
一點酸

又

無人惜我我自慙慙憐這箇耍峭惺惺不肯隨人獨自
行 乾坤許大只在棘鍼尖上坐依舊多情棲著虛空
睡到明

又

年衰人老矍鑠支離君莫笑白日青天我自心情勝少
年 超凡入妙遊戲神通隨意到酒聖詩顛舞榭虛空
駕鐵船

又

虛空無礙你自癡迷不自在撒手但行到處笙歌擁路
迎 天然美滿不用共兜心計算莫聽先生引入深山
百丈坑

又

無人請我我自鋪氈松下坐酌酒栽詩調弄梅花作侍
兒 心歡易醉明月飛來花下睡醉舞誰知花滿紗巾
月滿盃

又

花隨人去今夜錢塘江上雨宿酒殘更五夜

一作潮過

西窓

不肯明 小羅金縷結盡同心留不住何處長亭繡被
春寒掩翠屏

又

有何不可依舊一枚閑底我飯飽茶香瞌睡之時知上
牀 百般經過且喜青鞵踏不破小院低窓桃李花開
春晝長

又

江南春水羅幙黃昏寒未退好箇相知唱到姮娥歛黛
眉 夜闌人醉風露無情花有淚畫角殘時一片參旗
紅杏西

點絳脣

淮海秋風冶城飛下揚州葉盡船催發傾酒留君別
卧倒金壺相對天涯客陽關徹大江橫絕淚溼杯中月

又

客夢初回卧聽吳語開帆索護霜雲薄溪上

一作溪淡

芙蓉

落畫舫無情人去天涯角思量著翠蟬金雀別後新

梳掠

又

至日春雲萬般祥瑞朝來奏太平時候樂事家家有
玉指呵寒酥點梅花瘦金杯酒與君為壽只願人長久

又

春雨春風問誰染就江南草燕嬌鶯巧只是參軍老

今古紅塵愁了人多少尊前好緩歌低笑醉向花前一作

問倒

又

綠徑未闌暖煙晴日春來早自家亭沼不問人尋討

攜酒提籃兜女相隨到風光好醉歌紗帽索共梅花笑

柳梢青

狂蹤浪

一作怪

跡誰料半年

一作老

天涯為客帆展霜風船

隨江月山寒波碧

如今著處添愁怎忍看參

一作魚

西

雁北洛浦鶯花伊川雲水何時歸得

又

丁丑松
江賞月

松江勝集中秋載酒幽人閑客雲將遲疑桂娥羞澀一
歡難得 天憐我輩淒涼借萬里晴空湛碧浩浩烟波
堂堂風月今夕何夕

又

紅分翠別宿酒半醒征鞍將發樓外殘鐘帳前殘燭窗
邊殘月 想伊繡枕無眠記行客如今去也心下難拚
眼前難覓口頭難說

又

梅蒸乍熱無處散策芳菲初歇
席展涼篔帳垂黃艸天
然奇絕披襟永晝清風更薦枕
良宵皓月一夢遊仙
軟雲推倒廣寒宮闕

又

季女
生日

秋光正潔仙家瑞草黃花初發
物外高情天然雅致清
標偏別仙翁笑酌金杯慶
兜女團圓喜悅嫁與蕭郎
鳳皇臺上長生風月

又

水雲晚照浮生了了霜風衰草
日月金梭江山春夢天
多人少赤松認得虛空便
一向飛騰縹緲直上蓬瀛

回看滄海淒然長嘯

採桑子

彭浪磯。一云亂後作。

扁舟去作江南客。旅雁孤雲。萬里煙塵。回首中原淚滿巾。
碧山對晚一作相映汀洲冷。楓葉蘆根。日落波平。愁損

辭鄉去國人

又

重陽病起飲酒連夕

天高風勁塵寰靜。佳節重陽。葉下瀟湘。碧海晴空一陣霜。
安排絃管傾芳醞。報答秋光。晝短歌長。紅燭黃花夜未央

又

一番海角淒涼夢，却到長安翠帳。犀簾依舊屏斜十二山。玉人為我調秦瑟，彈黛低鬟雲散。杳殘風雨，蠻溪半夜寒。

憶秦娥

若無置酒朝元
亭師厚同飲作

西江碧，江亭夜燕天涯客。天涯客，一杯相屬，此夕何夕。

月沈波冷

一作燭
殘花冷

歌聲急，秦關漢苑無消息。無消息。

戍樓吹角，故人難得覓。

一作覓

又

霜風急，江南路上梅花白。梅花白，寒溪殘月，冷村深雪。

洛陽醉裏曾同摘，水西竹外常相憶。常相憶，玉

一作音

一 詞 卷 下
釵雙鳳鬢邊春色

又

吳船窄吳江岸上

一作下

長安客長安客驚塵心緒轉蓬

蹤跡 征鴻也是關河隔孤飛萬里誰相識誰相識三

更月落斗橫西北

又

至節赴郡會故到

歌鐘列公堂盛會酬佳節酬佳節皇恩宣布早梅爭發
舞場推鼓催回雪金壺鉞酒瓊酥熱瓊酥熱今朝不
飲幾時懽悅

卜算子

除夕

江上見新年，年夜聽春雨。有個人人，領略春粉淡紅輕。
注：深勸玉壺春。一作東西低唱金衣。一作黃金樓檠底，梅花摠是愁酒盡人歸去。

又

陌上雪銷初纔得，江梅信剪採盤金。院落香便覺燒鐙。
近樂事眼前多，春酒今年勝。好趁迎梅接柳時，滿引金杯飲。

又

碧瓦小紅樓，芳草江南岸。雨後紗窗幾陣寒，零落梨花
晚。看到水如雲，送盡雅成點。南北東西處處愁，獨倚

關十偏

又

古澗一枝梅
免被園林鎖
路遠山深
不怕寒似共春相
趨
幽思有誰知
託契都難可
獨自風流
獨自香明月
來尋我

又

灼灼一枝桃
粉豔天然好
只被春風擺撼
多顏色凋零
早
結子未為遲
悔恨隨芳草
不下山來
不出溪待守

劉郎老

又

旅雁向南飛風雨羣初失飢渴辛勤兩翅垂獨下寒汀
立鷗鷺苦難親增繳憂相逼雲海茫茫無處歸誰聽
哀鳴急

又

山曉鷓鴣啼雲暗瀧州路榕葉陰濃荔子青百尺枕柳
樹盡日不逢人猛地風吹雨慘暗蠻溪鬼峒寒隱隱
聞銅鼓

清平樂

亂紅深翠樓閣春風外胡蝶成團飛照水睡鴨無人驚
起身閑更覺身輕酒壺歌扇隨行芳草綠楊堤畔一

聲初聽啼鶯

又

木

人間花少菊小芙蓉老冷淡仙人偏得道把

一作

住西

風一笑前身元是疎梅黃姑點碎冰肌惟有暗香長

在飽參清露霏微

又

相留不住又趁東風去樓外夕陽芳草路今夜短亭何處
杏花斜墜闌干朱簾不捲春寒惆悵黃昏前後離
愁酒病厭厭

又

多寒易雨春事都相誤
愁過黃昏無著處
寶篆燒殘香縷
低鬟暗摘明璫
羅巾泥損殘妝
簷外幾聲風玉
丁東敲斷人腸

又

春寒雨妥花萼紅難破
繡線金針慵不作
要見秋千無那
西鄰姊妹丁寧
尋芳更約清明
畫箇雨丁帖子前
階後院求晴

又

當初相見君恨相逢晚
一曲秦箏彈未遍
無奈昭陽人怨
便教思淺情疎
隔花空望金輿
春晚不拈紅粉碧

宮自錄仙書

昭君怨

悼亡

隴月黃昏亭榭池上秋千初架燕子說春寒杏花殘
淚斷愁難斷往事總成幽怨幽怨幾時休淚還流

浣溪沙

季欽推雙妙麗使
來求長短句為賦

折桂歸來懶覓官十年風月醉家山有人挾瑟伴清閑
楚畹飛香蘭結佩藍田生暖玉連環擁書萬卷看雙
鸞

又

元真子有漁父詞為泚作

西塞山邊白鷺飛吳松

一作興

江上綠楊低桃花流水鱖

魚肥 青箬笠將風裏戴短蓑衣向雨中披斜風細雨
不須歸

又

銀海清泉浸

一作洗

玉杯恰寫白酒冷偏宜水林檎嫩折

青枝 爭看使君長壽曲旋教法部太平詞快風涼雨
火雲摧

又

碧玉闌干白玉人倚花吹葉忍黃昏蕭郎一去又經春
眉淡翠峰愁易聚臉殘紅雨淚難勻纖腰減半綠羅

裙

又

雨溼清明香火殘碧溪橋外燕泥寒日長獨自倚闌干
脫箒慵篋初散綠褪花新杏未成酸江南春好與誰
看

又

風落芙蓉畫扇閑涼隨秋色到人間乍垂羅幕展飛鷺
好把深杯添綠酒休拈明鏡照蒼顏浮生難得是清
歡

又

才子佳人相見難舞收歌罷又更闌密將春恨繫幽懽

結子同心香佩帶，怕兒雙字玉，連環酒醒燈暗，忍重看。

又

贈賁大夫歌者
其人嘗在大家

晚菊花前飲翠蛾，按花傳酒緩聲歌，柳枝團扇別離多，
擁髻淒涼論舊事，曾隨織女度銀梭，當年今夕奈愁何。

阮郎歸

楊花陌上燃明燭，嬌一作紅新樣妝，匆匆曾貯一襟香，
月痕金縷涼，分淚扇掩離觴，春殘人斷腸，錦書難寄，
雁飛忙，池塘芳草長。

生查子

卧病獨眠人無月中秋節淡照碧紗燈冷看銀屏雪
風露轉蕭寒砧杵添淒咽伏枕謾書到曉愁難說

眼兒媚

席上
瑞香

青錦成帷瑞香濃雅梅小簾櫳主人好事金杯留客共
倚春風不知因甚來塵世香似舊曾逢江梅退步幽
蘭偷眼迴避芳叢

又

疊翠闌紅鬪纖濃雲雨綺為攏只憂謝了偏須著意障
雨遮風瑞雲香霧雖難覓薦地有時逢不妨守定從

他人嘆老入花叢

又

紫帔紅襟豔爭濃
光彩爍疏櫳
香為小字瑞為高
姓道骨仙風
此花合向瑤池種
可惜未遭逢
阿環見了羞
回眼尾愁聚眉叢

訴衷情

青垂柳綫水平池
芳徑燕初飛
日長事少人靜
山繭換單衣
簫鼓遠篆香遲捲
簾低半牀花影
一枕松風午
醉醒時

又

老人無復少年歡，嫌酒倦吹彈。黃昏又是風雨樓外角，
聲殘。悲故國，念塵寰，事難言。放下雲箋，了一紙云下曳上青氈，一任霜寒。

又

青旗綠勝又迎春，暖律應祥雲。金盤內家生菜，宮院編
承恩。時節好，管絃新。度昇平。惠風遲日，柳眼梅心，任
醉芳尊。

又

月中玉兔日中鴉，隨我度年華。不管寒暄風雨，飽飯熟
煎茶。居士竹故，侯瓜老，生涯自然。天地本分雲山到。

處為家

菩薩蠻

老人語盡人間苦
近來却似心頭悟
九九是重陽
重陽菊散芳
出門何處去
對面誰相語
枕臂卧南窓
銅鑪柏子香

又

芭蕉葉上秋風碧
晚來小雨流蘇溼
新窰木犀沈
香遲斗帳深
無人同向夕
還是愁成憶
憶昔結同心
鴛鴦何處尋

又

風流才子傾城色紅纓翠憶長安陌夜飲小平康煖生
銀字簧持盃留上客私語眉峯側半冷水沈香羅幃
官漏長

又

鄉關散盡當年客春風寂寞花無色長日掩重門江山
眼外昏畫圖高挂壁嵩少參差碧想見卧雲人松黃
落洞門

又

芙蓉紅落秋風急夜寒紙帳霜華溼枕畔木瓜香曉來
清興長輕舟青箬笠短棹溪光碧去覓謝三郎蘆花

何處藏

雙鷓鴣

拂破秋江煙碧一對雙飛鷓鴣應是遠來無力稍下相
偎沙磧小艇誰吹橫遠驚起不知消息悔不當時描
得如今何處尋覓

鼓笛令

紙帳綢衾忒暖儘自由橫翻倒轉睡覺西窓鐙一盞恰
聽打三更三點殘夢不須深念這些箇光陰殺短解
散韉繩休繫絆把從前一筆勾斷

西湖曲

今冬寒早風光好休怪撓先歌絮帽蟹肥一个可秤觔
酒美三杯真合道年年閑夢垂垂了且喜風松吹不
倒平分兩月是新春却共梅花依舊笑

風蝶令

試看何時有元來總是空丹砂只在酒盃中看取乃公
雙頰照人紅花外莊周蝶松間禦寇風古人漫爾說
西東何似自家識取賣油翁

謁金門

和李士舉

春怎戀樓外綠催紅殿短袖迎風愁半捲手寒無處暖
目斷蓬萊宮院引去誰憐誰怨相見不如青翅燕舉

頭長安遠

洛妃怨

拾翠當年延佇解珮感君誠素微步過南岡獻明璫
襟上淚難再會惆悵幽蘭心事心事永難忘寄君王

燕歸梁

帳掩秋風一半開閑將玉笛吹過雲微雨散輕雷夜參
差認樓臺暗香移枕新涼住竹外漏聲催放教明月
上牀來共清夢兩徘徊

相見歡

瀧州幾番清秋許多愁嘆我等

一作

閑白了少年頭

人間事如何是去來休自是不歸歸去有誰留

又

吳

東風吹盡江梅摘花開舊日吳王宮殿鎖蒼苔

一云長青苔

今古事英雄淚老相催長恨夕陽西去晚潮回

又

金陵城上西樓倚清秋萬里夕陽垂地大江流
中原亂簪纓散幾時收試倩悲風吹淚過揚州

又

秋風又到人間葉珊珊四望煙波無盡欠青山
浮生事長江水幾時閑幸是古來如此且開顏

又

吟蛩作盡秋聲月西沈悽斷餘香殘夢下層城
人不見屏空掩數殘更還自褰帷獨坐看清燈

又

當年雨上蓬瀛燕殊庭曾共羣仙攜手鬪吹笙
雲濤晚蛺旌散海漚輕却釣松江煙月醉還醒

又

深秋庭院初涼近重陽籬畔一枝金菊露微黃
鱸膾韻橙蠶品酒新香我是昇平閑客醉何妨
鱸膾

如夢令

一夜新秋風雨客恨客愁無數我是卧雲人悔到紅塵
深處難住難住拂袖青山歸去

又

好箇中秋時節莫恨今宵無月巖壑一燈青寒浸水香
留客留客留客相對無言無說

又

盞底一盤金鳳滿泛酒光浮動引我上煙霞智力一時
無用無用無用踏破十洲三洞

又

真个先生愛睡睡裏百般滋味轉面又翻身隨意十方

遊戲遊戲遊戲到了元無一事

又

莫恨中秋無月月又不甜不辣幸有甕頭春閑坐暖雲
香雪香雪香雪滿引水晶蕉葉

又

莫恨中秋無月多點金缸紅蠟取酒擁絲簧迎取輕盈
桃葉桃葉桃葉唱我新歌白雪

又

一夜蟠桃吹折剛道有人偷折幸自沒蹤由無奈蝶蜂
胡說胡說胡說方朔不須耳熱

又

好笑山翁年幾不覺七十有四生日近元宵占早燒燈
歡會歡會歡會坐上人人千歲

春曉曲

西樓落月雞聲急夜浸疎香浙澀玉人酒渴嚼春冰曉
色入簾橫寶瑟

柳枝

江南岸 柳枝 江北岸 柳枝 折送行人無盡時恨分離 柳

枝 酒一盃 柳枝 淚雙垂 柳枝 君到長安百事速幾時

歸 柳枝

又沈蕙
乞詞

住近沈香浦門前蕙草春鴛鴦飛下拓枝新見弄青梅
初著翠羅裙怕喚拈歌扇嫌催上舞袖幾時微步不
生塵來作維摩方丈散花人

蘇幕遮

瘦仙人窮活計不養丹砂不肯參同契兩頰家食三覺
睡閉著門兒不管人閑事又經年知幾歲老屋穿空
幸有天遮蔽不飲香醪常似醉白鶴飛來笑我顛顛地
又

酒臺空歌扇去獨倚危樓無限傷心處芳草連天雲薄

暮故國山河一陣黃梅雨 有奇才無用處壯節飄
零受盡人間苦欲指虛無問征路回首風雲未忍辭明

主

棋歌下